

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 3.

7id jakkegærdde.

»Nuorttanaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

15ad Februar 1905.

»Nuorttanaste« olgusboatta gnovte gærde
• manost — dam 15ad ja dam 30ad bæive
juokke manost.

Girjek ravastuvvujegje.

(De Witt Talmage sardne).

Loappa.

Vidasæbbo jakam mon, atte
dobbe gavdnu okta girje, maid mi
oažžop goččot

Buri dagoi girjen.

Dam girje sisa læk ibmelmanai buo-
rek dagok bajascallujuvvum. Dalle
oažžop mi gullat, atte dat čacceglase,
mi addujuvvui Jesus nammi, i læk
vajaldattujuvvum, atte dat borramuš,
mi saddijuvvui dam vaivaša ucca lu-
goši, læ muittost Ibmel lutte. Dalle
galggap mi oaidnep, atte dak dagok,
mak æi læm ovtage olbmust arvost
adnujuvvum dabe ædnam alde, ja
maid ibmelmanna jaskadvuodast dabe
dagai, æi læk Hærrast vajaldattujuv-
vum, jos juoge olmuš ješ læ daid
vajaldattam, ja jos maidai si, gæi
vuostai dak dakkujuvvujegje uccan
gittosa adde. Duodaid si æi galga
balkasek masset. O, vare dadde min
vaimost lifci æmbo dam rakisvuoda
vuoinast, mi gæino gavdna sævdnja-
demus baikedi ja fuonemus lugoidi,
dam vuoinast, mi buorre mielast ja
ævtodatolažat oaffarušša famoides,
rudaides ja aigest sieloid vuottet
Hærrai ja evangelium čuovga ja oa-
salašvuoda videdet obba ædnam miet-
ta, gutte su rokkadusaides bokte
dævdada borjasid dai skipai alde, mak
miššonæraid dolvvuk Japani ja Zulu-
ædnami j. n. v., gutte avvoda dam-
diti, go dat ja duot nælgo bæraš
væketuvvu, ja damditi go Kina uv-
sak evangeliumi ravastuvvujek. Dat
vuoignæ, gutte læ gærggad mannat ja
oapatet duon ucca čappis negerganda
su abeses dovddat ige vaiba rokkadal-

lamest, atte Æthiopia su gieðaides
geigge Ibmel vuostai. Dat vuoignæ,
mi čuovga sadde dam buocce dalloi
ja su rokkadusaides bokte hoapota
vanhurskesvuoda bæivaša bagjanæme
suddo sævdnjadvuoda bagjel mail-
mest.

Go Jesus dam girjest galgga
bajaslokkat muittalusaid dai čiegos
rakisvuoda dagoi birra, de galgga
son ječas jorggalet muttomi vuostai,
guðek jakke ječaidæsek vajaldattujuv-
vum ja cælkket: »**Mon legjim nælg-
gomen, ja di addidek mudnji bor-
rat; mon legjim goikkamen, ja di
addidek mudnji jukkat; mon legjim
buocce ja giddagasast, ja di oappa-
læidek mu. Maid di lepet dakkam
ovta mu uccemus vieljaidam vuos-
tai, dam lepet di dakkam mu vuos-
tai.**«

Dobbe galgga maidai gavdnu
okta girje, man namma læ

Jabmen girje.

Go dat girje ravastuvvu, galggek
buok jorggalkettes ja æppeoskolaš
sielok doarggestet. Stuoeres læ dat
nammalista, man ala buok mailme
gielestægjek, suollagak, sorbmijægjek,
fuorak, bættek ja oskaldesmættomak
læk čallujuvvum. Ædnag millionak
galggek doarggestet, go dam girjest
lokkujuvvu, ja juokke ođđa namma,
mi namatuvvu laseta bakčas-vaiddaga!
Mon hirbmastuvam, go mu jurddagi
boatta dat stuora »jabmen girje.«

Manemussi vela namatam mon
ovta girje. Dam namma læ

Ellem girje.

»Ja jos guttege i gavdnum čal-
lujuvvum ællem girjai de balkkestuv-
vui son dollajavrrai.« Alm. 20, 15.

Ællem girjai læk si buokak čal-
lujuvvum, guðek arbmo-aigest læk
bestujume occam Jesus Kristus siste.

Vuoi, maggar illo ja avvo, go dak
namak bajaslokkujuvvujek! Vægje-
mættos læ daidi audogassan daku-
juvvum sieloidi javotaga orrot, go
sin namak namatuvvujek. Si alggek
dallanaga avoin lavllot: »Labbes, gut-
te læ njuvvujuvvum, læ dokkalaš
vuostaivalddet famo ja riggesvuoda ja
visesvuoda ja gievravuoda ja rama-
dusa ja gudne ja buristsivdnadusa!«

Alm. 5, 12.

Lokke! Lægo du namma čallu-
juvvum ællem girjai, dam sæmma
girjai man siste čužžuk čallujuvvum
Paulus namma, Johannes namma,
Daved namma j. n. v.

Jos min namak dam girjest læk,
de oažžo dalle onam buollet ja alb-
me oktioratuvvut dego bivtas. Æp
darbaš mi dalle mastege ballat. Mist
læ Jesus, ja dat læ galle.

Jaskis jurddagak vassam juovlai birra.

Čali ja sisasaddi M. Iversen Næsseby.

(Lasse oudeb nummari).

I læk, Ibmeli gitto, Jesus dam
goassege cælkam. Buok buccidi son
læk dalkastægjen, buok suddogasaidi
son læ bæste. Son hærvaset gagjo
buok hæðalažaid. Son læ buok lap-
pum savcai oskaldas baimadægje. Son
læk buok bærgalaga šlavai vægalaš ri-
vadægje, ja bærgalaga valddegodde
bagjel vuoitta son. Lakkid son sist
eritbotke, guðek ječaidæsek dovdekk
čokkamen giddagasast. Lebbijuvvum
salain son vuostaivaldda juokkehaža,
gutte su halid rakistet. Go di vagjeg-
vuoda aldadek dovddabetek, de sard-
not dušše sudnji, mi dist vaillo. Go
morrašest di lepet boatte aige diti, de

dakket nuft, moft son læ goččom. Balkesteket buok morrašidatek su bagjeli; dastgo son galle sikke matta ja datto fuola adnet din oudast. Jos rumaslaš buocalvasvuotta du vaived, ja jos suddo du bavčastatta, de vaide sudnji du hæđak. Lækast duottavuodast du vaimod, Jesus læ ædnag daggarid ouddal juo dalkastam. Son duge matta buoredet. Mon cælkam, atte son matta; dastgo nubbe ašše læ, datto go son, daihe gavdna go son dam dudnji avkalažžan. Son dietta sagga burist, mi migjidi læ avkken, buorreb go mi ječa dam diettep. Ja damditi, go son min vaimolažat rakist, de son aive dam datto min vuostai dakkat, mi migjidi læ duotta avkken. Go son dietta, atte buocalvasvuotta olmui læ darbašlaš juoga masa, de son dam i valde olmust erit, mutto dikta su bakčas čađa ællat. Ješ son adda gierddavašvuoda, rafhe ja doaivvag, ja son læ loppedam, atte son i aigo gillamuša luottet min api bagjel mannat, vel sturemus hæđestge son boatta su vekines. Ige læt dat ædnamlas gillamuš gukke, ouddal go mi dam aiccage, læ dam leappa boattam, ja iloin devddujuvvum ællem fast algga. Go mi ječaidæmek fast dovddap suddogassan, go mi ain dovddap bahas halidusa, gælbotes jurddagid, hiđisvuoda, goarradvuoda, hanesvuoda, moare ja vaše dovddat duokkenæmek, go halo æp dovda aldamek rokkadussi, ja go min varnotesvuotta min æralakkai vaived, de bargop buok daiguim mannat Jesus lusa, vaddop mi sudnji buok heđidæmek; son vissa min damge dafhost væket ja adda migjidi famo suddo vuottet, nutt atte naggijuvvum æp læt dam šat čuovvot. Bottos din bagjeli mi heđid datuš, jogo dat læš olgoldes daihe siskaldes hætte, son fal vissaset læ din lakka su vekines. Ješ son cælkka: »Čuorvo mu, go don læk suddo hæđest, de mon aigom du bæstet, ja don fast mu maidnot galgak!«

Dat læ gal ješaldest duotta, atte mi æp matte ječamek audogassan dakkat. I læk min famost ječamek birrabodnjallattet ja buoredet, jos bæivalažat jurddašifimek: »Dal aigom mon sivolazžan šaddat.« I dat vævet masage. Mon læm olbmuid dovddam, guđek nannoset læk dam litto dakkam, atte si æi aigo šat miellaævto suddo dakkat; mutto moadde

bæive dastmanjel, debe si lækge jorralam suddoi fast. Dam ašše sist læ okta čiegosvuotta beittujuvvum; gutte suddo dakka, son læ suddo balvvalægje. Jos dal muttom šlava dam jurdašešgoadaši, atte son i aigo æmbo su hærras jөгadet, de dat vissa oroši du mielast boagostatte jallodakkan; dastgo roaske galle galgaši su nagget su hærras dato dakkat. Mutto okta vægalæbbo hærra dam šlava bestujubmai oastaši su šlavavuoda dilest ja dieđetifči sudnji, atte son galgga læt su usteb, alma dalle lifči dat šlava jallas doavkke, jos son dalle makka cælkaši: »Mon im darbaš dam olbma ustebvuoda, alma mon oažom dakkat maid dattom, ja im juo obba aigoge šat cemo balvvalet. Ja nuftge gævva maidai ænaš olbmuidi. Si læk suddo ja bærgalaga šlavak. Dam šlavavuodast si viggek ješ ječaidæsek bæstalet; mutto dam satteges oei dakkat, ja lonestægjamek i bæsa sin lodnot bærgalaga ja suddo radđijumest erit, damditi go suddogas i baja su dam dakkat. Mutto gæst nuft vaibmo soaigga ja lævotuvva daina jurddagin: »Mon vardnotæbme galle haledifčim mu rakis Jesusam oamastet mu ajdno bæstenam; mutto mon læm daggar jalla, atte im dieđe, moft mon galgašim mænnotet su fattim diti, im arved moft mon galgašim buktet su ala oskot. Mon læm nuft čađa billašuvvum, atte mu sist i gavdnu mikkege burid, im dieđe, galgašam go mon roakkadet su lusa boattet.« — Dat olmuš gutte nuft jurddaša, son dittus, atte dak jurddagak æi læk bocedam su ječas oažest ja varast, mutto dak læk Bassevuoiņa armo duojek su sielost. Daihe jos gæn-nuft vaibmoi siskaldes lieggestemin dak jurddagak bottek: »Vuoi man cælkemættom læ dat jurda, atte min Hærramek Jesus Kristus cælkemættom rakisvuodast migjidi læ ruosa alde min diti jабman lokkamættom bakčasi siste ja cælkemættom givo gilladedin.« — Son dittus, atte dak læk aive buorek jurddagak, maid Bassevuoiņa Ibmel sane bokte dugjo min vaibmoi! Šuokke dalle, moft buoremusad satak! Jos man moiervas ležžek su sagak rokkadaladedin, nuft atte dat mi maņemus si galgaši ouddemussi šadda, de dat i daga maidegen; dastgo son, gutte vaimo-macci sisa gæčča, son burist-rakkan arvved sikke du hæđe ja du

aibašæme. Šuokke du lonestægjasad: »Ak, mu Hærram, mu Jesusam, don, gutte ruossa alde læk jабman mu diti, ja mu hæđalaš ja højos rađo oudast varaidad læk golggatam, arkal-maste don mu, ja go rakisvuodast læk buok mu suddoid bagjelasad valddam, de adde mudnji buok daid andagassi ja daga mu audogassan du jабmemad diti.« Go duodalaš vaimost daggar šuokkatusak bottek, de dak maidai ollašuvvek.

(Loappa boatte nummarest).

Son boadnjass čuovoi vinevuovddem-stoppoi.

»Manne boadak don deiki, Maria?« jærrali Tordell su akastes, gutte su maņest bođi vinevuovddem-stoppoi oktæn sodno manaiguim.

»Nuft laitas læ sidast čokkat, go du fidno nuft harve luotta du sidast orrot,« vastedi akka vuollegažat, mutto duodalažat. »Must i læk oktage, gæina mon sælskapatalašim, go don læk erit. Ja go don mu lusa ik mate boattet, de ferttini mon du lusa vuolget. Alma must læ loppe juokket duina sikke ilo ja morraš.«

»Mutto nisson jurdaš, boadakgo don daggar baikkai, go dat læ?« celki Tordell vaddalægje jienain.

»I mikkege baikid, gost mu boadnja læ, læk mudnji heivvemættom,« vastedi Maria; »daid, gæid Ibmel læ oktiotvastattam, i galga oktage olmuš ærotet.«

Go læi son daid sanid cælkam, de valdi son vuolaglase, maid vinevuovdde aido læi dævddam su boadnjai, ja gudi dam baksamides ragjai, dego aigoši dam gurret; mutto son almaken dam i dakkam.

»Ik don alma goit jukkat aigo,« celki su boadnja imaštallamin.


»Manne im, don cælkak, atte don jugak vajaldattim diti du morrašidak; mutto maidai must læk morrašak, maid mon berrešim vajaldattet.«

»Nisson, nisson, ik alma don jurdaš goit manaidi addet vuollaga,« celki Tordell, go son oini akas heivvehaddamen glase manai njalme guvloi.

»Manne im? Mattekgo manak goassege buoreb ouddamærka oažžot go sin ačesek? Dat, mi læ buorre sudnji, læ vissa maidai buorre sigjidi. Vinejukkam galgga sin væketet oad-

dat, ja dam bokte saddek si vajaldattet, atte si golluk ja nelgguk.»

Dai saniguim bijai son fast vuollaglasa alma maistetaga diska ala Boadnja čuožželi bajas ja celki: »Vulggup mi dal sidi.« Mutto dam i ja rokkadalai son Ibmela sikke gukka ja angeret, atte son beastaši su ja dagaši su čera olmušen, ja atte sudnji famok addujuvvue boares harjanemid vuostaičuožžot. Son nubbastuvai ja ollaset bestujuvvui. Su akka læi maidai likkolaš Ibmel siste.



* * * * *

* | **Gukken ja lakka.** | *

* * * * *

Brævva Porsangost.

Mon aigom maidai dam blađe bokte avšodet, atte galgačegje ain lasaneč samegiel blađe doallek æmbo, go mon læm oaidnam sikke redaktora ja æraidge uccašæme daid, guđek viššik dinggot ja daid makset, vaiko galle gavdnujek mangas, gutte dai viggek ajetet, atte æi olle riftes aige doallid ragjai, ja mangas maidai dam bigjet sivvan, atte dak blađeč aibas uccan fievredek mailmalaš dieđo. Mutto mendo gukka šadda vuorddet, dassago olles dievasvuotta šadda. I oktage darbaš jurdašet, atte dietto boatta oktan manost dammađe go darbašuvvu. Olmuš fertte oappat nuft gukka go son ælla, damditi i gavdnu oktage, gutte i darbaš oapa ja dieđo. Mon gal dovdam luttam, atte i gavdnu oktage, gutte matta læt feilataga; ja jos mi algašæimek barggat dam ala atte fievreret ovta ucca blađača min ječamek gilli, de gal gavdnuše dallege dak, gæk gavdnek, vaillevuođa min lutte, vaiko mi dal laittetge dam bargo, mi min diti dakujuvvu. Mon læm maidai sabmelaš ja dam mon satam dagjat, atte mendo uccan læ bajasčuvgitus min gaskast. Mi burist gal darbasifčimek angirvuodain barggat æmbo bajasčuvgitusa manjai ja viššalvuodain goccet ječamek birra dam riftes ja darbasæimus aše harrai, mi læ avkalaš sikke dabe mailmes ja dobbe agalašvuodast.

Oapa dafhost mi æp satte gal ouddanet nuft ollo, atte mi baldalagai satte bigjujuvvut dai bajasčuvgijuvvum naššonaiguim mailmest;

mutto allop mi almaken luoitte ječai doemek fuolamcettomvutti.

Im šat æmbo dam have aigo blađe sajettutet; mutto jos dærvuotta ain læ, de læ miella saddet manolest muttom linjaid blađđai.

Čallujuvvum januar manost 1905.

Okta porsangalaš.

„Nuorttanaste“ ustebidi ja mieldebarggidi.

Aigom saddet moadde sane maidi mon anom saje »Nuorttanastai.« Nuftgo di vissasi muittetbetek læm mon oudeb jakkodagaid soames have bittaid čoaggam, samas jorggalam ja sisasaddim »Nuorttanastai« ja læm alelassi viggam vækketet olgusadde oazžom diti sagaid ja ođđasid birra mailme min ucca blađđai. Dal læ gukkeb aigge mannam dam rajest go mon manemust læm sisasaddim maidede lokkosid blađđai, ja vissasi orro dat læme din mielast nuft dego mon lifčim vajaldattam min ucca blađaša. Vaiko mon dam im læk vajaldattam; mutto almaken im læk saddam bittaid čoagget ja sisasaddet. Jos oktage jærra, atte mi dasa læ sivvan, de dam birra lifčii ollo ealkket, manditi im aigo ollo namatet; mutto gutte væhaš læ barggam sami gaskast, lekus dat čallem daihe man ikkenassi doaimatusa bokte, de alelassi oazžo dam diettet ja dovdat, atte dat barggo valdda olbmust luondo ja halidusa barggamest. Ædnag havid læm mon sami gaskast ožžom dam gullat, atte dai barggo, guđek »Nuorttanastai« bittaid læk čallam i læk manenge ja æi dat læk æra go cukcasak, maid si muittalek sin čallagidesek bokte. Go mon ollo havid læm daggar arvvalusaid gullam, de læm jurdašam atte mu čallagi bokte satta »Nuorttanaste« vahaduvvat daggobokte, atte doallid lokko uccana; mutto dal go mon gukkes aiggai im læk maidege bittaid sisasaddim ja almaken gullam, atte doallek æi lassan, de boatta fast dat jurda, atte lokkam ja diettoangervuotta læ dal sæmma uccan, go dalle go »Nuorttanaste« olgusaddi su vuostas nummarest august manost 1898. Algost legje ædnag nuora olbmak dabe min gaskast, guđek viššalvuodain angerit čogge darogielbittaid, samas jorggalegje ja sisasaddijegje blađđai. Daid gaskast namatam mon Ole Erik Tapio ja Erik Andreassen Buolmagest,

Samuel Johnsen Vestertanast ja Samuel A. Samuelsen Smalfjorast; mutto dal mi oaidnep, atte maidai sige læk vaibbam sin bargostesek ja dat i læk imaštæmest. Dat aidno okta gi ain læ vækken barggamen læ Samuel A. Samuelsen Harstad.

Moft matta blađe ouddanet daina lagin, vuost læk uccan doallek ja dasto i oktage ožuši vækketet olgusadde. Daina laggin fertte min samegiella manšašsi nokkat, ja jos jerrujuvvu, mi dasa læ sivvan, de vastadus læ, atte dat læ sami ječasek fuollamættomvuotta. Mu savaldak læ, atte si guđek vel æi læk vaibbam barggamest, atte si ain barggek ođđa navcaiguim ja ođđa hálolašvuodain. Saddem daggo bokte mu dærvuodaid buok ustebidi ja oappasidi gukken ja lakka.

Tanast dam 4ad februar 1905

Henr. A. Henriksen.

Brævva Buolmagest.

Daggo bokte monge moadde sane saddim »Nuorttanastai« muittalam diti væhaš dam min Buolmag gielda birra.

Olbmuk dabe ellek nuftgo dalge. Muttomak jabmek, ja soames fast riegada. Mutto ollo min gieldast alggegodi gefhudak daina manemus jagin; sivvan dasa læk dak fuones bivdok, erinoamašet go dæno bivddo læ abas feillim. Ædnagak æi læk dammađege fidnim, atte gæssehægga lifčii ællam. Soames vægja læt nagadam væro makset; mutto ænaš oasest læ vissa væro mavsekætta; go æi suite borramušage, moft dalle vela verroi juollo. Jos jakkodagak ain gukkeb dam laganen bissok, de mon im arvved, moft olbmuiguim gævva.

Mutto must læ dat jakko, atte Høerra dat buokvægalaš ælla, ja dam rajest nuftgo ouddal morraš adna su olbnuides oudast. Son, gutte olmui læ høgga addam, maidai dam bajasdoalla. J.

Konsulašše.

Moadde jage dast ouddal læi min rikast stuora naggo dam nuftgočujuvvum konsulat daihe konsulaše alde. Ovta aige čajeti juo mæsta danen, atte Ruodarika ja Norga mæsta doarastæva. Mutto almaken sittujuvvui dasa, atte stataolbmak guktot rikain galgge oktiboattet ja arvvalad-

dat dai aši birra.

Æi daidde buok »Nuorttanaste« lokkek burist ibmerdet, mi dat læ, mi konsulašsen goččujuvvu. Mi damditi gæččalep oanekažat eilggit.

Konsulak læ daggar olbmak, guđek galggek gæččat bærrai ja væketet, atte rika galvvo jotta daina bai ken, gost si læk konsulan. Konsula galgga maidai buorremusad væketet dam rika olbmuid, gæn konsula son læ, go si olgocednamest bottek su lusa. Dat læ su gædnegasvuotta.

Norgast ja Ruođarikast læk konsulak dam ragjai læmas ovtast, nuft atte dat sæmma olmai, gutte olgocednam gavpugest læ Ruođarika konsula, son læ maidai Norga konsula. Mutto go dat sæmma olmai læ guovte rika konsula, de satta manga have heivvit nuft, atte son i dieđe ješge goabba rika galvvoi son galgga gæččalet oastid ožžudet, erinoamašet jos galvvo læ sæmma sortast. Son fertte læt guovte isid balvvalægje.

Dat læ sivva, manditi min rika almug læ gaibbedam juo gukka, atte Norga su ječas konsulaid galgga oažžot.

Dam konsulaše birra læk Norga ja Ruođa statsraadak gukka arvvaladam ja radđadallam. Mutto gieskad bođi dat muittalus, atte dam arvvalusast i boade mikkege. Dat dieđitus læ dakkam mangasa bahamilli, ja avisak juokke politika ivne vuolde vaiddek dam aše saggarak. Muttomak arvvalek, atte buoremus læ, atte Norga aibas ærrana Ruođarikast erit, nuft atte Norga šadda okta sierra gonagas rika. I læk buorre cælkket, moft daina ašin manna.

Præmieobligations-lista

gessujuvvum 2be januar 1905.

Serie	949 oblig. no. 47	Kr.	100,00
—	978	—, —	8 „ 100,00
—	1297	—, —	23 „ 100,00
—	1499	—, —	34 „ 100,00
—	1584	—, —	6 „ 100,00
—	1607	—, —	10 „ 100,00
—	1851	—, —	36 „ 500,00
—	1905	—, —	74 „ 500,00
—	2052	—, —	25 „ 100,00
—	2434	—, —	1 „ 500,00
—	2576	—, —	44 „ 500,00
—	2577	—, —	68 „ 100,00
—	3125	—, —	74 „ 100,00
—	3333	—, —	23 „ 500,00

Serie	3351 oblig. no. 80	Kr.	100,00
—	3389	—, —	96 „ 100,00
—	3567	—, —	19 „ 500,00
—	3635	—, —	77 „ 100,00
—	3672	—, —	8 „ 100,00
—	3709	—, —	28 „ 500,00
—	3736	—, —	29 „ 500,00
—	3989	—, —	17 „ 100,00
—	4035	—, —	72 „ 100,00
—	4123	—, —	66 „ 1000,00
—	4287	—, —	45 „ 100,00
—	4341	—, —	89 „ 100,00
—	4596	—, —	40 „ 100,00
—	4689	—, —	76 „ 20000,00
—	4782	—, —	27 „ 10000,00
—	4819	—, —	81 „ 100,00
—	4827	—, —	31 „ 100,00
—	4827	—, —	86 „ 100,00
—	4911	—, —	46 „ 500,00
—	4942	—, —	40 „ 500,00
—	4951	—, —	50 „ 100,00
—	5016	—, —	59 „ 100,00
—	5330	—, —	7 „ 100,00
—	5879	—, —	52 „ 100,00
—	6082	—, —	48 „ 100,00
—	6261	—, —	7 „ 100,00
—	6549	—, —	20 „ 100,00
—	6645	—, —	30 „ 100,00
—	6771	—, —	93 „ 100,00

Amortistion (sisagessujuvvum) seriak: 451, 956, 4296, 4639, 6439, 6737, 6912, 7027, 7309, 7362.

Čuovvovaš seriak læk dibma ja dast oudalest sisagessujuvvum:

Serie	200, 318, 424, 600, 677, 781, 809, 825, 839, 1004, 1122, 1128, 1140, 1159, 1295, 1300, 1403, 1441, 1491, 1648, 1746, 1948, 2200, 2244, 2291, 2483, 2575, 2616, 3002, 3130, 3136, 3209, 3323, 3413, 3426, 3512, 3562, 3710, 3712, 3713, 3743, 3767, 3865, 3890, 3990, 4077, 4100, 4121, 4630, 4665, 4815, 5156, 5172, 5192, 5247, 5385, 5406, 5600, 5796, 6018, 6018, 6109, 6136, 6179, 6190, 6267, 6449, 6688, 6732, 6811, 6947, 6951, 6972, 7086, 7131, 7205, 7220, 7239, 7419.
-------	--

Polmak $\frac{3}{2}$ 1905

E. Andr.

Soatte.

Ruoša soattevægast læ hæjos dille. Sist vaillo mæsta juokke dinga. Sivvan dasa galgga læt, atte dollavavnok adnujuvujuk soaldati doalvot æige damditi nagad galvo darbaš mađe buktet. 150,000 vavdnolasta

borrowmuš galgašegje sadijuvut; mutto ei bœsa matkai oudalگو 2 vakko dastmarqel. Dal læk Ruošast soattebaikest 450,000 soaldata, ja ovta dæivadæmest Japanesalažaguim tapi son gieskat 25000 olbma.

Røst sulloin,

Lofota vœstamuš gæčest, læ mannam gæse ja gida bolddujuvvum staragudna gaskal 13 duhat ja 14 duhat kr. oudast, muittala »Lofotposten.« Ænaš legje nissonak dam bargost. Dat angeremusak ja çæpemusak sist tinijegje 10 kruvna ragjai bæivest.

Japanesalažak

mattek rakadet daggar bapirsorta, mi læ nuft særrad dego glase ja maidai hui nanos.

Dat stuoremus rišsasagge-fabrikka

mailmest galgga læt Tidalast, Ruođarikast. Dam namma læ »Vulkans tøendsticksfabrik.« Dast læk 1200 bargge, ja bæivalažat garvve dat 900,000 (ovce čuode duhat) rišsasaggeskuopo. Jakkasažat adnu 600,000 kubikjuolge muorra, 125 kgr. arvo babir ja 20,000 kgr. rokkajafhok, maina klistar rakkaduvvu skuopoidi.

Stuibme Ruošarikast

læ ain smavaset bistemen. Polenest galggek 80,000 bargge læk værjoid aldsesek ožžom, ja aittek moive rakadet.

Suomast læ okta senat-olmai, Johan Johnson sorbmijuvvum, son læi okta daina Suobmelazažain, gutte addi ječas fillijuvvut Bobrikoffast bættet Suoma aše. Son sorbmijuvvui su ječas vistes muttom olbmast, gutte militærgarvoi sist sisabođi, ja goen namma læi Aleksander Gadd. Son gæččali battaret, mutto son gidda ožžujuvvui ja aresterijuvvui.

Maid soatte maksa.

Dal go soatte Nuortta-Asiast læ jage bistam, çajeta statistika, atte 240,000 olbma læk gæččam ja sarjaduvvum. Rutta dam soattai læ olgus lokujuvum 2980 million kruvna, maina Ruošša læ ferttim makset 1926 million kruvna.

»Nuorttanaste« çalle, pretejægje ja olgusadde læ G. F. Lund, Sigerfjord, Vesteraalen